



REPUBLIKA E SHQIPËRISË

MINISTRIA E INFRASTRUKTURËS  
DHE ENERGJISË

UDHËZIM

Nr. 7, datë 31/12/ 2020

**PËR DISA NDRYSHIME DHE SHTESA NË UDHËZIMIN NR. 5628, DATË  
18.11.2016 “PËR MIRATIMIN E RRJETIT TË LINJAVE NDËRQYTETËSE”, TË  
NDRYSHUAR**

Në zbatim të nenit 102, pika 4, të Kushtetutës së Republikës së Shqipërisë, neneve 16 dhe 19, të ligjit nr. 8308, datë 18.03.1998 “Për transportet rrugore”, të ndryshuar,

UDHËZOJ:

Në udhëzimin nr. 5628, datë 18.11.2016, “Për miratimin e rrjetit të linjave ndërqytetëse”, të ndryshuar, bëhen ndryshimet dhe shtesat si më poshtë:

Neni 1

Neni 1 i udhëzimit ndryshon si më poshtë:

Qëllimi i këtij udhëzimi është miratimi i rrjetit të linjave ndërqytetëse (kryesore dhe ushqyese), i cili përfshin itineraret e udhëtimit dhe stacionet e qëndrimit, sipas aneksit 1 dhe aneksit 2, pjesë përbërëse e këtij udhëzimi.

Neni 2

Neni 3 i udhëzimit ndryshohet me përmbajtjen si më poshtë:

1. Linja ndërqytetëse përfshin pikën e nisjes (vendi i nisjes), itinerarin, stacionet e qëndrimit dhe pikën e mbërritjes (vendi i mbërritjes).

2. Transporti në linjat kryesore dhe ushqyese kryhet me ndalime në stacionet e qëndrimit të përcaktuara gjatë itinerarit të linjës për hipjen dhe zbritjen e udhëtarëve.

3. Pika e nisjes (vendi i nisjes) dhe pika e mbërritjes (vendi i mbërritjes) është qyteti qendër bashkie dhe/ose qyteti që është në përbërje të bashkisë.

4. Subjektet e licencuar për shërbimin e transportit ndërqytetës të udhëtarëve, agjenci për transport udhëtarësh apo turistike, si edhe subjekte të tjera të interesuara që operojnë në zonë/pranë segmentit rrugor ku kalon itinerari i linjës, (karburante, pika autoriparimi, etj), me kërkesë të tyre pajisen me autorizim nga Drejtoria e Përgjithshme e Shërbimeve të Transportit Rrugor (DPSHTRR), sipas modelit në aneksin 3, pas konfirmimit nga Autoriteti Rrugor Shqiptar (ARRSH) për përmbushjen e kriterëve/standardeve teknike të stacioneve të qëndrimit.

5. DPSHTRR përcakton procedurat, kriteret, afatet dhe tarifatat për lëshimin e autorizimit (sipas modelit në aneksin 3), për stacione qëndrimi ndërqytetëse.

6. Stacionet e fillimit, mbarimit dhe gjatë itinerarit të linjave ndërqytetëse ushqyese deri në 16 km, si dhe stacionet/terminalet e qëndrimit për hipjen dhe zbritjen e udhëtarëve të linjave ndërqytetëse kryesore, që ndodhen në territorin nën juridiksionin e një bashkie, caktohen dhe trajtohen nga bashkia përkatëse, duke pajisur me autorizim subjektet e licencuar për këto linja, sipas modelit në aneksin 4.

### Neni 3

Në nenin 6, pika 2, ndryshohet me përmbajtjen si më poshtë:

2. Komisioni Vlerësues, i miratuar me urdhër të titullarit të autoritetit licencues, bën shtimin dhe heqjen e numrit të orareve të linjave ndërqytetëse, në mbështetje të nevojave të lëvizjes së udhëtarëve, pas kërkesës së argumentuar të bashkisë përkatëse, si dhe kërkesës së subjektit të licencuar në linjën e rregullt ndërqytetëse.

### Neni 4

Shtohet neni 7, me përmbajtje si më poshtë:

1. Kriteret e miratimit të stacioneve, janë si më poshtë:

a) Stacionet e qëndrimit të jenë:

i. në vende të përshtatshme, me hapësirë të mjaftueshme për hipjen dhe zbritjen e udhëtarëve, si dhe të pajisura me elemente sigurie dhe me sinjalistikën përkatëse,

ii. pranë autostradave/rrugëve interurbane kryesore, sipas itinerareve të përcaktuar të linjave dhe ndalesat të mos jenë më shumë se 5 – 10 minuta,

b) Nuk lejohet transporti i udhëtarëve ndërmjet stacioneve të qëndrimit, kur këto stacione përdoren si pikë nisje dhe pikë mbërritje;

c) Përcaktimi i vendndodhjes së stacioneve, të bëhet:

- i. bazuar në Manualin e Sinjalizimit Rrugor, miratuar me VKM nr. 277, datë 10.03.2010 “Për një shtesë në Vendimin nr. 153, datë 7.4.2000 të Këshillit të Ministrave “Për miratimin e Rregullores së Zbatimit të Kodit Rrugor të Republikës së Shqipërisë”, të ndryshuar; dhe
- ii. me grup pune, në përbërje të të cilit të përfshihen përfaqësues nga DPSHTRR, ARRSH, auditues të sigurisë rrugore të certifikuar, si dhe nga palët e interesit (bashki/shoqata transporti);
- d) Projektet e zbatimit të vendndodhjeve të stacioneve, para miratimit, duhet të kalojnë procesin e auditimit të sigurisë rrugore, nga ekspertë të certifikuar, bazuar në Udhëzimin nr. 9, datë 3.7.2012 “Mbi auditimin dhe inspektimin e sigurisë rrugore”;
- e) Subjekti merr udhëtarë në stacionet e qëndrimit vetëm për në destinacionin final, duke respektuar itinerarin e linjës, të përcaktuar në licencë, kur shërbimi nuk mbulohet nga transportues me seli në bashkitë ku ndodhen stacionet e qëndrimit.

Ky udhëzim hyn në fuqi me botimin në “Fletore Zyrtare”.

**MINISTRI**

**Belinda BALLUKU**

Letër format A4, 100 – 120 g/m2, ngjyra e verdhë



**REPUBLIKA E SHQIPËRISË  
MINISTRIA E INFRASTRUKTURËS DHE ENERGJISË  
DREJTORIA E PËRGJITHSHME E SHËRBIMEVE TË TRANSPORTIT RRUGOR**

**AUTORIZIM Nr. \_\_\_\_\_**

**PËR  
STACIONET E QËNDRIMIT  
NË LINJAT E RREGULLTA TË TRANSPORTIT NDËRQYTETËS**

Në bazë të Ligjit nr. 8308, datë 18.03.1998 “Për Transportet Rrugore”, të ndryshuar, Udhëzimit nr. 5628, datë 18.11.2016 “Për miratimin e rrjetit të linjave ndërqytetëse”, të ndryshuar, lëshohet ky autorizim:

**SUBJEKTI:** \_\_\_\_\_

**LICENCA:** \_\_\_\_\_

**NUMRI NUIS/NIPT:** \_\_\_\_\_

**LINJA NDËRQYTETËSE:** \_\_\_\_\_

**STACIONET E QËNDRIMIT:** \_\_\_\_\_

\_\_\_\_\_

Lëshuar, më \_\_\_\_ / \_\_\_\_ / \_\_\_\_\_

Autorizimi është i vlefshëm deri më \_\_\_\_ / \_\_\_\_ / \_\_\_\_\_

**Nënshkrimi dhe vula e Autoritetit Kompetent**



**DREJTORIA E PËRGJITHSHME  
E SHËRBIMEVE TË  
TRANSPORTIT RRUGOR**

Adresa: Rr. “Muhedin Llagani”, Nr. 10, Tiranë;  
Tel.: +355 68 801 5 833; Fax.: +355 (0)42238175  
e-mail:dpshttr@dpshttr.gov.al; www.dpshttr.gov.al

## **DISPOZITA TË PËRGJITHSHME**

- 1.** Me marrjen e këtij autorizimi, subjekti mban përgjegjësi për respektimin e kushteve të përcaktuara për ndalesat e kryera gjatë itinerarit të linjës.
- 2.** Autorizimi nuk mund të transferohet nga mbajtësi i saj tek një subjekt tjetër.
- 3.** Ndalesat në stacionet e qëndrimit të mos jenë më shumë se 5–10 minuta.
- 4.** Nuk lejohet transporti i udhëtarëve ndërmjet stacioneve të qëndrimit, kur këto stacione përdoren si pikë nisje dhe pikë mbërritje.
- 5.** Subjekti merr udhëtarë në stacionet e qëndrimit vetëm për në destinacionin final, duke respektuar itinerarin e linjës të përcaktuar në licencë, kur shërbimi nuk mbulohet nga transportues me seli në bashkinë ku ndodhet stacioni.
- 6.** Autorizimi në origjinal mbahet nga subjekti i autorizuar, ndërsa një kopje e njëzuar me origjinalin mbahet në bordin e mjetit dhe u paraqitet organeve të kontrollit sa herë që kërkohen.
- 7.** Në rast konstatimi të shkeljeve të kushteve të autorizimit, do të merren masat e parashikuara për pezullimin dhe heqjen e licencës/certifikatës në nenin 19 të Udhëzimit nr. 5627, datë 18.11.2016 “Për përcaktimin e kriterëve, rregullave dhe dokumentacionit për lëshimin e licencave dhe certifikatave për ushtrimin e veprimtarisë në transportin rrugor të udhëtarëve brenda vendit”, të ndryshuar.
- 8.** Autorizimi është i pavlefshëm, kur:
  - a) ka përfunduar afati i vlefshmërisë;
  - b) është hequr nga autoriteti kompetent.

Letër format A4, 100 – 120 g/m2, ngjyra e verdhë



**REPUBLIKA E SHQIPËRISË**

**BASHKIA**

**AUTORIZIM Nr. \_\_\_\_\_**

**PËR**  
**STACIONET E QËNDRIMIT**  
**NË LINJAT E RREGULLTA TË TRANSPORTIT**  
**NDËRQYTETËS**

Në bazë të Ligjit nr. 8308, datë 18.03.1998 “Për Transportet Rrugore”, të ndryshuar, Udhëzimit nr. 5628, datë 18.11.2016 “Për miratimin e rrjetit të linjave ndërqytetëse”, të ndryshuar, lëshohet ky autorizim:

**SUBJEKTI:** \_\_\_\_\_

**LICENCA:** \_\_\_\_\_

**NUMRI NUIS/NIPT:** \_\_\_\_\_

**LINJA NDËRQYTETËSE:** \_\_\_\_\_

**STACIONET E QËNDRIMIT:** \_\_\_\_\_

\_\_\_\_\_

Lëshuar, më \_\_\_\_/\_\_\_\_/\_\_\_\_

Autorizimi është i vlefshëm deri më \_\_\_\_/\_\_\_\_/\_\_\_\_

\_\_\_\_\_  
**Nënshkrimi dhe vula e Autoritetit Kompetent**

\_\_\_\_\_

## DISPOZITA TË PËRGJITHSHME

1. Me marrjen e këtij autorizimi, subjekti mban përgjegjësi për respektimin e kushteve të përcaktuara për ndalesat e kryera gjatë itinerarit të linjës.
2. Autorizimi nuk mund të transferohet nga mbajtësi i saj tek një subjekt tjetër.
3. Ndalesat në stacionet e qëndrimit të mos jenë më shumë se 5–10 minuta.
4. Nuk lejohet transporti i udhëtarëve ndërmjet stacioneve të qëndrimit, kur këto stacione përdoren si pikë nisje dhe pikë mbërritje.
5. Subjekti merr udhëtarë në stacionet e qëndrimit vetëm për në destinacionin final, duke respektuar itinerarin e linjës të përcaktuar në licencë, kur shërbimi nuk mbulohet nga transportues me seli në bashkinë ku ndodhet stacioni.
6. Autorizimi në origjinal mbahet nga subjekti i autorizuar, ndërsa një kopje e njësuar me origjinalin mbahet në bordin e mjetit dhe u paraqitet organeve të kontrollit sa herë që kërkohen.
7. Në rast konstatimi të shkeljeve të kushteve të autorizimit, do të merren masat e parashikuara për pezullimin dhe heqjen e licencës/certifikatës në nenin 19 të Udhëzimit nr. 5627, datë 18.11.2016 “Për përcaktimin e kriterëve, rregullave dhe dokumentacionit për lëshimin e licencave dhe certifikatave për ushtrimin e veprimtarisë në transportin rrugor të udhëtarëve brenda vendit”, të ndryshuar.
8. Autorizimi është i pavlefshëm, kur:
  - a) ka përfunduar afati i vlefshmërisë;
  - b) është hequr nga autoriteti kompetent.